

Poštovana,

u nastavku je odgovor Ministarstva vanjskih poslova BiH u vezi s vašim upitom:

“U skladu sa obavezama punopravnog članstva Bosne i Hercegovine u Ujedinjenim nacijama i odredbama Povelje Ujedinjenih nacija, zatim odredbama člana 10. Sporazuma o stabilizaciji i pridruživanju između evropskih zajednica i njihovih država članica i Bosne i Hercegovine kojim se predviđa puna intergracija Bosne i Hercegovine u zajednicu demokratskih država i sve veće približavanje stavova o međunarodnim pitanjima, posebno u pogledu sigurnosti i stabilnosti Evrope i stavovima Zajedničke vanjske i sigurnosne politike Evropske unije, Ministarstvo vanjskih poslova Bosne i Hercegovine je u proteklom periodu, a u vezi sa pridruživanjem izjavama Visokog predstavnika za vanjske poslove i sigurnosnu politiku EU i odlukama Vijeća Evropske unije povodom situacije u Ukrajini, postupilo u skladu sa navedenim međunarodnim obavezama.

Takođe, Strategijom vanjske politike Bosne i Hercegovine 2018-2023, definisano je da Bosna i Hercegovina djeluje u skladu sa obavezama koje proističu iz zaključenih i prihvaćenih sporazuma i drugih međunarodnih instrumenata, te članstva u međunarodnim organizacijama i asocijacijama.

S tim u vezi, Ministarstvo vanjskih poslova Bosne i Hercegovine je obavijestilo Parlamentarnu skupštinu Bosne i Hercegovine i Predsjedništvo Bosne i Hercegovine i sve institucije Bosne i Hercegovine o svim donesenim izjavama Visokog predstavnika i njima pripadajućih odluka Vijeća o restriktivnim mjerama, uzimajući u obzir situaciju u Ukrajini, te naglasilo važnost uticaja koje ove odluke mogu imati na rad institucija u Bosni i Hercegovini. Prema svemu navedenom, Bosna i Hercegovina se pridružila izjavama Visokog predstavnika i pripadajućim odlukama Vijeća o restriktivnim mjerama uzimajući u obzir situaciju u Ukrajini, sve u skladu sa međunarodnim obavezama Bosne i Hercegovine i u potpunosti se rukovodeći načelima međunarodnog prava.

Implementacija odredbi gore pomenutih odluka je u nadležnosti institucija u Bosni i Hercegovini u skladu sa važećim zakonskim obavezama.”

Ured za odnose sa javnošću